

# Hysbyseb

Cyfarwyddwyr Anweithredol – Ofwat  
Llundain/Birmingham/Cymru  
£19,190 am tua 2/3 diwrnod y mis

Mae gwaith cwmnïau dŵr yn cefnogi pob agwedd ar fywyd modern ar gyfer pawb, bob dydd. Mae gwasanaethau dŵr a dŵr gwastraff diogel a dibynadwy yn hanfodol ar gyfer iechyd a lles y cyhoedd ac fel cymdeithas rydym yn disgwyl i gwmnïau dŵr ddarparu gwasanaethau cydnerth a fforddiadwy i bawb a chynllunio a buddsoddi'n effeithiol ar gyfer yr hirdymor. Hefyd, mae angen i ni ofalu am ein hamgylchedd er mwyn sicrhau mynediad cynaliadwy at ddŵr fel y gallwn ni a chenedlaethau'r dyfodol fwynhau'r natur sydd o'n cwmpas. Rydym yn disgwyl i gwmnïau dŵr gynnal a gwella iechyd ein hafonydd, llynnoedd, dyfroedd arfordirol ac ecosystemau wrth iddynt dynnu a thrin dŵr a gwaredu gwastraff sydd wedi'i drin yn ôl i'r amgylchedd.

Ofwat sy'n rheoleiddio'r diwydiant dŵr a dŵr gwastraff yng Nghymru a Lloegr. Mae ganddo gyfrifoldeb unigryw a phwysig - i ddal cwmnïau dŵr i gyfrif a gwella eu perfformiad ar gyfer defnyddwyr a'r amgylchedd nawr ac yn y dyfodol. Mae Ofwat hefyd yn goruchwyllo'r marchnadoedd sy'n bodoli yn y sector dŵr er mwyn gwneud yn siŵr eu bod yn gweithio i ddefnyddwyr.

Mae hwn yn gyfle cyffrous i ymuno â bwrdd sefydliad sy'n flaenllaw yn y system reoleiddio sy'n diogelu buddiannau defnyddwyr presennol a rhai'r dyfodol, yn sicrhau bod cwmnïau dŵr yn cyflawni eu swyddogaethau'n gywir ac y gall cwmnïau dŵr effeithlon ariannu eu busnesau. Mae Ofwat hefyd yn chwarae rhan bwysig dros ben mewn sicrhau bod yna gydnherthedd hirdymor, yn cynnwys drwy reoli adnoddau naturiol yn gynaliadwy a sicrhau bod cwmnïau'n rhoi budd ehangach i gymdeithas a'r amgylchedd. Rhaid i Ofwat hefyd sicrhau bod dŵr yn parhau'n fforddiadwy a bod anghenion cwsmeriaid bregus yn cael eu diwallu.

Mae Ofwat nawr am benodi nifer o Gyfarwyddwyr Anweithredol i'r Bwrdd i olynu cydweithwyr hirsefydledig a fydd yn rhoi'r gorau iddi ar ddiwedd eu tymor. Er mwyn creu Bwrdd yn ei gyfanrwydd, rydym yn chwilio am unigolion sydd ag ystod amrywiol o sgiliau, profiad a chefnidiroedd, a fydd yn rhoi her, cefnogaeth a barn dda i'r penderfyniadau a wneir gan y Bwrdd. Mae'r ystod eang o sgiliau a phrofiadau ar Fwrdd Ofwat yn cynnwys arweinyddiaeth busnes, rheoli strwythur, negodi masnachol ar raddfa fawr, rheoleiddio economaidd a chystadleuaeth, deall am ddiogelu defnyddwyr, deall ystyriaethau polisi amgylcheddol, a chyllid corfforaethol.

Er mwyn atgyfnerthu amrywiaeth meddylfryd a safbwyntiau, a boed hynny fel Cyfarwyddwr Anweithredol am y tro cyntaf neu'n un profiadol, mae gennym ddiddordeb arbennig mewn profiad yn un neu ragor o'r meysydd canlynol:

- Hyrwyddo buddiannau defnyddwyr yn cynnwys ar faterion megis fforddiadwyedd, gwasanaeth, bregusrwydd, anghenion cymdeithasol a deall llais defnyddwyr;
- Profiad gweithredol uwch o redeg busnes neu sefydliad mawr, cymhleth arall mewn amgylchedd allanol heriol: er enghraifft, gyda phrofiad o ddatblygu a chynnal effeithiolrwydd sefydliadol a newid diwylliant; o her neu drawsnewidiad o bwys a/neu fusnes sydd â phwyslais cryf ar eilwaith/asedau; dealltwriaeth o rôl marchnadoedd cystadleuol;
- Dealltwriaeth gadarn o'r cefndir polisi yng Nghymru ac amgylchiadau economaidd, cymdeithasol ac amgylcheddol yng Nghymru;



Ym mhob ymgeisydd rydym yn chwilio am y gallu a'r profiad sydd ei angen i ddal y sector i gyfrif, yn cynnwys y sgiliau canlynol:

- Gallu dadansoddol a deallusol rhagorol, gyda'r ddawn i ddadansoddi ac amgyffred gwybodaeth/cynigion polisi cymhleth yn gyflym.
- Tystiolaeth o feddwl strategol arloesol a hanes sy'n dangos parodrwydd i sefyll yn ddewr dros argyhoeddiadau.
- Gallu llunio barn strategol gadarn, lle mae gwrthdaro buddiannau rhwng defnyddwyr, a gallu dadlau'n ystyrlon dros y farn y daethpwyd iddi, gan ddefnyddio dadansoddiad a barn reddfol gadarn.

Rydym yn croesawu'n gadarnhaol ymgeiswyr o bob cefndir. Gwneir pob penodiad cyhoeddus ar sail teilyngdod yn dilyn cystadleuaeth deg ac agored fel y rheoleiddir gan Swyddfa'r Comisiynydd ar gyfer Penodiadau Cyhoeddus.

I gael rhagor o wybodaeth, yn cynnwys Disgrifiad Swydd a Manyleb Person a manylion sut i wneud cais, ewch i:

[www.odgers.com/73135](http://www.odgers.com/73135)

Dyddiad cau: Canol Dydd, Dydd Gwener 21 Chwefror 2020

